

Sarajevo, na 132. vanrednoj sjednici održanoj 14.11.2025. godine, donijela je

ODLUKU**O DAVANJU SAGLASNOSTI MINISTRICI ZA NAUKU, VISOKO OBRAZOVANJE I MLADE KANTONA SARAJEVO DA ZAKLJUČI UGOVOR O DODJELI SREDSTAVA UNIVERZITETU U SARAJEVU ZA SUFINANSIRANJE PROJEKTA "PODSTICANJE NAUČNE IZVRSNOSTI I PROMOVIRANJE NAUČNE PRODUKCIJE UNIVERZITETA U SARAJEVU" - SCIPROMO3****Član 1.**

Daje se saglasnost Ministrici za nauku, visoko obrazovanje i mlade Kantona Sarajevo da zaključi ugovor o dodjeli sredstava Univerzitetu u Sarajevu za sufinansiranje projekta "Podsticanje naučne izvrsnosti i promoviranje naučne produkcije Univerziteta u Sarajevu" - SciPromo3, u iznosu od 100.000,00 KM (slovima: stotinu hiljada i 00/100 konvertibilnih maraka).

Član 2.

Finansijska sredstva za realizaciju ove odluke preraspodjeliti će se sa budžetske organizacije 35010001 Ministarstva za nauku, visoko obrazovanje i mlade, ekonomski kod 614300 QAN002 Tekući transferi neprofitnim organizacijama - nauka na budžetsku organizaciju 35020001 - Univerzitet u Sarajevu - Rektorat univerziteta.

Član 3.

Za realizaciju ove odluke zadužuju se Ministarstvo za nauku, visoko obrazovanje i mlade Kantona Sarajevo, Ministarstvo finansija Kantona Sarajevo i Univerzitet u Sarajevu, svako u okviru svoje nadležnosti.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-53581-15/25
14. novembra 2025. godine
Sarajevo

Po ovlaštenju premijera
Ministrica
Darja Softić Kadenić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 31. stav (2) i (4) Pravilnika o akreditaciji visokoškolskih ustanova i studijskih programa ("Službene novine Kantona Sarajevo", broj 48/23 i 21/25), Vlada Kantona Sarajevo, na 132. vanrednoj sjednici održanoj 14.11.2025. godine, donijela je

ODLUKU**O UTVRĐIVANJU TROŠKOVA AKREDITACIJE VISOKOŠKOLSKIH USTANOVA I TROŠKOVA AKREDITACIJE STUDIJSKIH PROGRAMA****Član 1.****(Predmet)**

Ovom odlukom utvrđuje se visina troškova provođenja postupka akreditacije visokoškolskih ustanova i akreditacije studijskih programa na području Kantona Sarajevo, visina naknade za rad komisije domaćih i međunarodnih stručnjaka koja daju ocjenu i obavljaju reviziju kvaliteta i daju preporuke o akreditaciji visokoškolske ustanove i akreditaciji studijskih programa (u daljnjem tekstu: Komisija stručnjaka), kao i ostalih

organizacijskih troškova Komisije stručnjaka, nastalih u postupku akreditacije.

Član 2.

(Uplata sredstava i podmirenje troškova)

- (1) Troškove akreditacije visokoškolskih ustanova i akreditacije studijskih programa snosi osnivač visokoškolske ustanove koja podnosi zahtjev za akreditaciju.
- (2) Sredstva na ime troškova akreditacije visokoškolskih ustanova i akreditacije studijskih programa uplaćuju se na depozitni račun Kantona Sarajevo, u skladu sa obavijesti koju donosi Ministarstvo za nauku, visoko obrazovanje i mlade Kantona Sarajevo (u daljnjem tekstu: Ministarstvo) u roku od 15 dana od dana stupanja na snagu ove odluke.
- (3) Iz sredstava uplaćenih na ime troškova akreditacije visokoškolskih ustanova i akreditacije studijskih programa u skladu sa ovom odlukom, Ministarstvo vrši isplatu naknade za rad Komisije stručnjaka i ostalih troškova nastalih u postupku akreditacije.

Član 3.

(Visina troškova akreditacije)

- (1) Troškovi akreditacije iz člana 1. ove odluke utvrđuju se kako slijedi:
 - a) za provođenje postupka institucionalne akreditacije visoke škole - 15.000,00 KM,
 - b) za provođenje postupka institucionalne akreditacije visokoškolske ustanove kao univerziteta koja ima devet (9) i manje organizacijskih jedinica - 17.500,00 KM,
 - c) za provođenje postupka institucionalne akreditacije visokoškolske ustanove kao univerziteta koja ima deset (10) i više organizacijskih jedinica - 20.000,00 KM,
 - d) za provođenje postupka akreditacije studijskog programa prvog (1.) ili drugog (2.) ciklusa primjenom modela pojedinačne akreditacije - 8.000,00 KM,
 - e) za provođenje postupka akreditacije integriranog studijskog programa prvog (1.) i drugog (2.) ciklusa primjenom modela pojedinačne akreditacije - 10.000,00 KM,
 - f) za provođenje postupka akreditacije studijskih programa prvog (1.) i/ili drugog (2.) ciklusa primjenom modela klastera od dva (2) do šest (6) studijskih programa, u kojem su svi studijski programi neintegrirani:
 - za dva (2) studijska programa u klasteru - 10.000,00 KM,
 - za svaki naredni studijski program u klasteru - 1.500,00 KM,
 - g) za provođenje postupka akreditacije studijskih programa prvog (1.) i/ili drugog (2.) ciklusa primjenom modela klastera od dva (2) do šest (6) studijskih programa, u kojem je najmanje jedan studijski program integrirani:
 - za dva (2) studijska programa u klasteru, od kojih je jedan integrirani - 12.000,00 KM,
 - za dva (2) studijska programa u klasteru, od kojih su oba integrirana - 14.000,00 KM,
 - za svaki naredni neintegrirani studijski program u klasteru - 1.500,00 KM,

- za svaki naredni integrirani studijski program u klasteru - 2.000,00 KM,
 - h) za provođenje postupka akreditacije studijskih programa prvog (1.) i/ili drugog (2.) ciklusa primjenom modela klastera od sedam (7) do dvanaest (12) studijskih programa, u kojem su svi studijski programi neintegrirani:
 - za sedam (7) studijskih programa u klasteru - 19.500,00 KM,
 - za svaki naredni studijski program u klasteru - 1.500,00 KM,
 - i) za provođenje postupka akreditacije studijskih programa prvog (1.) i/ili drugog (2.) ciklusa primjenom modela klastera od sedam (7) do dvanaest (12) studijskih programa, u kojem je najmanje jedan studijski program integrirani:
 - za sedam (7) studijskih programa u klasteru - 21.500,00 KM,
 - za svaki naredni neintegrirani studijski program u klasteru - 1.500,00 KM,
 - za svaki naredni integrirani studijski program u klasteru - 2.000,00 KM.
- (2) Troškovi postupka utvrđivanja ispunjenosti mjera navedenih u pismu očekivanja iznose:
- a) za visoku školu - 4.500,00 KM,
 - b) za visokoškolsku ustanovu kao univerzitet - 5.000,00 KM,
 - c) za studijske programe prema modelu pojedinačne akreditacije - 4.500,00 KM,
 - d) za studijske programe prema modelu klastera od dva (2) do šest (6) studijskih programa (ukupno za klaster) - 5.000,00 KM,
 - e) za studijske programe prema modelu klastera od sedam (7) do dvanaest (12) studijskih programa (ukupno za klaster) - 6.500,00 KM.
- (3) Troškovi navedeni u stavu (2) ovog člana nisu uključeni u troškove iz stava (1) ovog člana te se, u skladu s ovom odlukom, uplaćuju naknadno na poseban zahtjev Ministarstva.

Član 4.

(Predsjednik i sekretar Komisije stručnjaka)

- (1) Predsjednik Komisije stručnjaka je predstavnik akademske zajednice u Bosni i Hercegovini.
- (2) Članovi Komisije stručnjaka, na prijedlog predsjednika, između sebe biraju sekretara Komisije.
- (3) Sekretar Komisije stručnjaka je zadužen za ostvarivanje službene komunikacije s visokoškolskom ustanovom koja je podnijela zahtjev za akreditaciju, kao i za korespondenciju i usklađivanje ukupnog rada Komisije stručnjaka do podnošenje konačnog izvještaja Agenciji za razvoj visokog obrazovanja i osiguranja kvaliteta Bosne i Hercegovine.
- (4) Član Komisije stručnjaka koji obavlja i poslove sekretara Komisije stručnjaka, ostvaruje pravo na naknadu u jedinstvenom iznosu definisanim članovima 5., 6. i 7. ove odluke.

Član 5.

(Visina naknade za rad Komisije stručnjaka u postupku institucionalne akreditacije visokoškolske ustanove)

Naknade za rad članova Komisije stručnjaka u postupku institucionalne akreditacije visokoškolske ustanove isplaćuju

se, u skladu s ovom odlukom, u sljedećim neto iznosima, nakon obračuna i plaćanja propisanih poreza i doprinosa:

- a) u postupku institucionalne akreditacije visokoškolske ustanove kao visoke škole:
 - naknada za obavljanje poslova predsjednika Komisije stručnjaka iznosi 2.000,00 KM,
 - naknada za obavljanje poslova člana Komisije stručnjaka i sekretara Komisije stručnjaka iznosi 1.800,00 KM,
 - naknada za obavljanje poslova člana Komisije stručnjaka iznosi 1.600,00 KM,
- b) u postupku institucionalne akreditacije visokoškolske ustanove kao univerziteta koja ima devet (9) i manje organizacijskih jedinica:
 - naknada za obavljanje poslova predsjednika Komisije stručnjaka iznosi 2.200,00 KM,
 - naknada za obavljanje poslova člana Komisije stručnjaka i sekretara Komisije stručnjaka iznosi 2.000,00 KM,
 - naknada za obavljanje poslova člana Komisije stručnjaka iznosi 1.800,00 KM,
- c) u postupku institucionalne akreditacije visokoškolske ustanove kao univerziteta koja ima deset (10) i više organizacijskih jedinica:
 - naknada za obavljanje poslova predsjednika Komisije stručnjaka iznosi 2.400,00 KM,
 - naknada za obavljanje poslova člana Komisije stručnjaka i sekretara Komisije stručnjaka iznosi 2.200,00 KM,
 - naknada za obavljanje poslova člana Komisije stručnjaka iznosi 2.000,00 KM.

Član 6.

(Visina naknade za rad Komisije stručnjaka u postupku akreditacije studijskih programa)

Naknade za rad članova Komisije stručnjaka u postupku akreditacije studijskih programa isplaćuju se, u skladu s ovom odlukom, u sljedećim neto iznosima, nakon obračuna i plaćanja propisanih poreza i doprinosa:

- a) u postupku akreditacije neintegriranog studijskog programa prvog (1.) ili drugog (2.) ciklusa primjenom modela pojedinačne akreditacije:
 - naknada za obavljanje poslova predsjednika Komisije stručnjaka iznosi 1.200,00 KM,
 - naknada za obavljanje poslova člana Komisije stručnjaka i sekretara Komisije stručnjaka iznosi 1.000,00 KM,
 - naknada za obavljanje poslova člana Komisije stručnjaka iznosi 800,00 KM,
- b) u postupku akreditacije integriranog studijskog programa prvog (1.) i drugog (2.) ciklusa primjenom modela pojedinačne akreditacije:
 - naknada za obavljanje poslova predsjednika Komisije stručnjaka iznosi 1.400,00 KM,
 - naknada za obavljanje poslova člana Komisije stručnjaka i sekretara Komisije stručnjaka iznosi 1.200,00 KM,
 - naknada za obavljanje poslova člana Komisije stručnjaka iznosi 1.100,00 KM,
- c) u postupku akreditacije studijskih programa prvog (1.) i/ili drugog (2.) ciklusa primjenom modela

- klastera od dva (2) do šest (6) studijskih programa, u kojem su svi studijski programi neintegrirani:
- naknada za obavljanje poslova predsjednika Komisije stručnjaka iznosi 1.400,00 KM, za klaster od dva (2) studijska programa, pri čemu se iznos povećava za 200,00 KM za svaki naredni studijski program,
 - naknada za obavljanje poslova člana Komisije stručnjaka i sekretara Komisije stručnjaka iznosi 1.200,00 KM za klaster od dva (2) studijska programa, pri čemu se iznos povećava za 200,00 KM za svaki naredni studijski program,
 - naknada za obavljanje poslova člana Komisije stručnjaka iznosi 1.000,00 KM za klaster od dva (2) studijska programa, pri čemu se iznos povećava za 200,00 KM za svaki naredni studijski program;
- d) u postupku akreditacije studijskih programa prvog (1.) i/ili drugog (2.) ciklusa primjenom modela klastera od dva (2) do šest (6) studijskih programa, u kojem je najmanje jedan studijski program integrirani:
- naknada za obavljanje poslova predsjednika Komisije stručnjaka iznosi 1.600,00 KM za klaster od dva (2) studijska programa, pri čemu se iznos povećava za 200,00 KM za svaki naredni neintegrirani studijski program, odnosno za 300,00 KM za svaki naredni integrirani studijski program,
 - naknada za obavljanje poslova člana Komisije stručnjaka i sekretara Komisije stručnjaka iznosi 1.400,00 KM za klaster od dva (2) studijska programa, pri čemu se iznos povećava za 200,00 KM za svaki naredni neintegrirani studijski program, odnosno za 300,00 KM za svaki naredni integrirani studijski program,
 - naknada za obavljanje poslova člana Komisije stručnjaka iznosi 1.200,00 KM za klaster od dva (2) studijska programa, pri čemu se iznos povećava za 200,00 KM za svaki naredni neintegrirani studijski program, odnosno za 300,00 KM za svaki naredni integrirani studijski program;
- e) u postupku akreditacije studijskih programa prvog (1.) i/ili drugog (2.) ciklusa primjenom modela klastera od sedam (7) do dvanaest (12) studijskih programa, u kojem su svi studijski programi neintegrirani:
- naknada za obavljanje poslova predsjednika Komisije stručnjaka iznosi 2.000,00 KM za klaster od sedam (7) studijskih programa, pri čemu se iznos povećava za 150,00 KM za svaki naredni studijski program,
 - naknada za obavljanje poslova člana Komisije stručnjaka i sekretara Komisije stručnjaka iznosi 1.800,00 KM za klaster od sedam (7) studijskih programa, pri čemu se iznos povećava za 150,00 KM za svaki naredni studijski program,
- naknada za obavljanje poslova člana Komisije stručnjaka iznosi 1.600,00 KM za klaster od sedam (7) studijskih programa, pri čemu se iznos povećava za 150,00 KM za svaki naredni studijski program;
- f) u postupku akreditacije studijskih programa prvog (1.) i/ili drugog (2.) ciklusa primjenom modela klastera od sedam (7) do dvanaest (12) studijskih programa, u kojem je najmanje jedan studijski program integrirani:
- naknada za obavljanje poslova predsjednika Komisije stručnjaka iznosi 2.000,00 KM za klaster od sedam (7) studijskih programa, pri čemu se iznos povećava za 150,00 KM za svaki naredni neintegrirani studijski program, odnosno za 250,00 KM za svaki naredni integrirani studijski program,
 - naknada za obavljanje poslova člana Komisije stručnjaka i sekretara Komisije stručnjaka iznosi 1.800,00 KM za klaster od sedam (7) studijskih programa, pri čemu se iznos povećava za 150,00 KM za svaki naredni neintegrirani studijski program, odnosno za 250,00 KM za svaki naredni integrirani studijski program,
 - naknada za obavljanje poslova člana Komisije stručnjaka iznosi 1.600,00 KM za klaster od sedam (7) studijskih programa, pri čemu se iznos povećava za 150,00 KM za svaki naredni neintegrirani studijski program, odnosno za 250,00 KM za svaki naredni integrirani studijski program.
- Član 7.
- (Visina naknade za rad Komisije stručnjaka u postupku utvrđivanja ispunjenosti mjera datih u Pismu očekivanja)
- Naknade za rad članova Komisije stručnjaka u postupcima utvrđivanja ispunjenosti mjera datih u Pismu očekivanja isplaćuju se u sljedećim neto iznosima, nakon oporezivanja:
- a) za visokoškolsku ustanovu kao visoku školu:
- naknada za obavljanje poslova predsjednika Komisije stručnjaka iznosi 300,00 KM,
 - naknada za obavljanje poslova člana Komisije stručnjaka i sekretara Komisije stručnjaka iznosi 200,00 KM,
 - naknada za obavljanje poslova člana Komisije stručnjaka iznosi 200,00 KM,
- b) za visokoškolsku ustanovu kao univerzitet:
- naknada za obavljanje poslova predsjednika Komisije stručnjaka iznosi 400,00 KM,
 - naknada za obavljanje poslova člana Komisije stručnjaka i sekretara Komisije stručnjaka iznosi 300,00 KM,
 - naknada za obavljanje poslova člana Komisije stručnjaka iznosi 300,00 KM,
- c) za studijski program prema modelu pojedinačne akreditacije:
- naknada za obavljanje poslova predsjednika Komisije stručnjaka iznosi 300,00 KM,
 - naknada za obavljanje poslova člana Komisije stručnjaka i sekretara Komisije stručnjaka iznosi 200,00 KM,

- naknada za obavljanje poslova člana Komisije stručnjaka iznosi 200,00 KM,
- d) za studijske programe prema modelu klastera, ukupno za klaster, bez obzira na broj obuhvaćenih studijskih programa:
 - naknada za obavljanje poslova predsjednika Komisije stručnjaka iznosi 400,00 KM,
 - naknada za obavljanje poslova člana Komisije stručnjaka i sekretara Komisije stručnjaka iznosi 300,00 KM,
 - naknada za obavljanje poslova člana Komisije stručnjaka iznosi 300,00 KM.

Član 8.

(Ostali troškovi)

U ostale troškove Komisije stručnjaka spadaju troškovi prevoza (putni troškovi), troškovi smještaja i drugi troškovi Komisije stručnjaka neophodni za obavljanje poslova akreditacije.

Član 9.

(Raspolaganje sredstvima)

- (1) Ministarstvo je ovlašteno raspolagati sredstvima iz člana 3. ove odluke u skladu sa dinamikom provođenja postupka akreditacije, odnosno u skladu sa potrebama nesmetanog provođenja postupka akreditacije.
- (2) Ministarstvo rješenjem imenuje koordinatora, zaposlenika Ministarstva, za svaki pojedinačni postupak akreditacije i istim rješenjem određuje iznos naknade za obavljanje poslova koordinatora u skladu sa relevantnim propisima.

Član 10.

(Isplata naknade za rad i ostalih troškova)

- (1) Isplatu odgovarajuće naknade za rad Komisije stručnjaka iz člana 4. ove odluke i ostalih troškova Komisije stručnjaka iz člana 5. ove odluke vrši Ministarstvo u skladu sa zaključenim ugovorom između Ministarstva i predsjednika/članova komisije stručnjaka, a nakon izvršenog posla.
- (2) Troškovi prevoza, odnosno putni troškovi, troškovi smještaja, kao i ostali troškovi članova Komisije stručnjaka neophodni za obavljanje poslova akreditacije ne ulaze u iznose naknada utvrđenih u članu 4. ove odluke.
- (3) Isplatu odnosno refundaciju troškova iz člana 5. ove odluke vrši Ministarstvo po osnovu računa za plaćene usluge, koje Komisija stručnjaka dostavlja Ministarstvu.
- (4) Refundaciju troškova iz stava (2) ovog člana Ministarstvo vrši istovremeno uz isplatu odgovarajuće naknade za rad Komisije stručnjaka iz člana 5. ove odluke.
- (5) Način isplate naknade za rad i ostalih troškova Komisije stručnjaka, kao i ostala bitna pitanja u vezi sa postupkom akreditacije visokoškolskih ustanova i akreditacije studijskih programa, preciznije se uređuje ugovorom iz stava (1) ovog člana.
- (6) Pravo na isplatu naknade za rad i ostalih troškova Komisije stručnjaka ne pripada licima imenovanim u Komisiju stručnjaka, koja nakon zaključenja ugovora iz stava (1) ovog člana, a prije izvršenja posla, odustanu od učešća u daljnjem radu Komisije stručnjaka.
- (7) U slučaju da visokoškolska ustanova odustane od zahtjeva za akreditaciju u toku trajanja postupka akreditacije, isplata naknade za rad Komisije stručnjaka se vrši na način:

- a) u slučaju da je Komisija stručnjaka izvršila posjetu visokoškolskoj ustanovi, iznos naknade za rad se umanjuje za 50% u odnosu na iznos naknade utvrđen članom 4. ove odluke, a ostali troškovi Komisije stručnjaka iz člana 5. ove odluke se isplaćuju u cjelosti;
- b) u slučaju da je Komisija stručnjaka započela sa radom, a nije izvršila posjetu visokoškolskoj ustanovi, iznos naknade za rad se umanjuje za 75% u odnosu na iznos naknade utvrđen članom 4. ove odluke.

- (8) U slučaju da visokoškolska ustanova odustane od zahtjeva za akreditaciju u toku trajanja postupka akreditacije, visokoškolska ustanova ima pravo na povrat preostalog dijela sredstava uplaćenih na ime troškova akreditacije, a nakon isplate i podmirenja troškova Komisije stručnjaka u skladu sa stavom (6) ovog člana.

Član 11.

(Započeti postupci)

- (1) Postupci akreditacije visokoškolskih ustanova (institucionalna akreditacija) započeti prije stupanja na snagu ove odluke, u pogledu troškova akreditacije okončat će se u skladu sa propisima po kojima su započeti.
- (2) Postupci akreditacije studijskih programa započeti prije stupanja na snagu ove odluke, odnosno zahtjevi za akreditaciju studijskih programa podneseni prije stupanja na snagu ove odluke, okončat će se u skladu sa ovom odlukom.

Član 12.

(Prestanak važenja)

Danom stupanja na snagu ove odluke prestaje da važi Odluka o utvrđivanju troškova postupka institucionalne akreditacije i akreditacije studijskih programa ("Službene novine Kantona Sarajevo", broj 22/24).

Član 13.

(Stupanje na snagu)

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-53581-16/25
14. novembra 2025. godine
Sarajevo

Po ovlaštenju premijera
Ministrica
Darja Softić Kadenić, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 138a., i 139. Zakona o radu ("Službene novine Federacije BiH", broj 26/16, 89/18, 44/22 i 39/24), Vlada Kantona Sarajevo, na 132. vanrednoj sjednici održanoj 14.11.2025. godine, donijela je

RJEŠENJE

**O IMENOVANJU PREGOVARAČKOG TIMA VLADE
KANTONA SARAJEVO ZA OTPOČINJANJE I
VOĐENJE PREGOVORA RADI ZAKLJUČIVANJA
NOVOG KOLEKTIVNOG UGOVORA ZA
DJELATNOST VISOKOG OBRAZOVANJA I NAUKE
NA UNIVERZITETU U SARAJEVU SA SINDIKATOM
UNIVERZITETA U SARAJEVU**

I

U Pregovarački tim Vlade Kantona Sarajevo za otpočinjanje i vođenje pregovora radi zaključivanja novog